

四庫全書存目叢書編纂委員會編


齊魯書社

四庫全書存目叢書

經部
第五七冊

責任編輯：孫言誠 賀 偉

ISBN 7-5333-0580-9



9 787533 305802 >

四庫全書存目叢書·經部五七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 52.625 印張

1997 年 3 月第 1 版 1997 年 3 月第 1 次印刷

印數 1—100

ISBN 7-5333-0580-9

Z·55 經部定價：66000 圓

經部第五七冊目次

經部·書類

古文尚書考一卷

〔清〕陸隴其撰
北京圖書館藏清道光十一年六安晁氏木活字學海類編本

一

尚書口義六卷

〔清〕劉懷志撰
上海圖書館藏清乾隆八年大梁書院刻本

五

禹貢正義三卷

〔清〕曹爾成撰
上海圖書館藏清乾隆刻本

九一

舜典補亡一卷

〔清〕毛奇齡撰
清華大學圖書館藏清康熙刻西河合集本

一五六

書經詳說七十六卷(一)

〔清〕冉覲祖撰
山東省圖書館藏清光緒七年大梁書局刻五經詳說本

一六三

古文尚書考一卷

〔清〕陸隴其撰

北京圖書館藏清道光十一年六安晁氏木

活字學海類編本

附《四庫全書總目·古文尚書

考一卷》提要

古文尚書考

清 平湖陸隴其稼書著

經典釋文云伏生失其本經口誦二十九篇宣帝本始中河內女子得泰誓一篇獻之與伏生所誦合三十篇孔疏云武帝時孔臧與安國書曰時人惟聞尚書二十八篇取象二十八宿不知其有百篇也又云史記謂伏生獨得二十九篇以教齊魯馬融鄭元皆謂泰誓非伏生所傳而言二十九篇者以司馬遷在武帝之世見泰誓出而得行入于伏生所傳內故并云伏生所出不復學海類編 古文尚書考 經翼 曲別分析但伏生雖無此一篇而書傳有八百諸侯俱至孟津白魚入舟之事與泰誓事同不知爲伏生先爲此說不知爲是泰誓出後後人加增此語又王充論衡及後漢史獻帝建安十四年房宏俱謂宣帝本始元年河內女子得古文泰誓三篇今史漢書皆云伏生傳二十九篇則司馬遷時已得泰誓以并歸于伏生不得云宣帝時始出也或者爾時重得之故于後亦據而言之愚按據釋文則偽泰誓在二十九篇之外據孔疏則偽泰誓在二十九篇之內大抵釋文所云二十九篇

是合書序言之孔疏則除序言之

又釋文云後漢書謂中興扶風杜林傳古文尙書賈逵爲之作訓馬融作傳鄭元注解由是古文尙書遂顯于世按今馬鄭所注竝伏生所誦非古文也孔疏云壁內所得孔爲傳者凡五十八篇爲四十六卷三十三篇與鄭注同二十五篇增多鄭注也前漢諸儒知孔本有五十八篇不見孔傳遂有張霸之徒于鄭注之外僞造尙書凡二十四篇以足鄭注三十四篇爲五十八篇其數雖與孔同其篇有異孔則于伏生所傳二十九篇內無學海類編 古文尙書考 二 經義

古文秦誓除序尙二十八篇分出舜典益稷盤庚二篇康王之誥爲三十三篇二十五篇爲五十八篇鄭元則于伏生二十九篇之內分出盤庚二篇康王之誥又秦誓三篇爲三十四篇僞書所增益二十四篇者則鄭注書序舜典一帛作二九共九篇十一大禹謨十二益稷十三五子之歌十四允征十五湯誥十六咸有一德十七典寶十八伊訓十九肆命二十原命二十一武成二十二旅獒二十三罔命二十四以此二十四爲十六卷以九共九篇其卷除八篇故爲十六故藝文志劉向別

錄云五十八篇藝文志又云孔安國者孔子後也悉得

其書以古文又多十六篇篇即卷也卽是僞書二十四篇也劉向作別錄班固作藝文志竝云此言不見孔傳也劉歆作三統歷論武王伐紂引今文秦誓云丙午逮師又引武成越若來三月五日甲子咸劉商王受竝不與孔同亦不見孔傳也後漢初賈逵奏尙書疏云流爲鳥是與孔亦異也馬融書序云經傳所引秦誓竝無此文又云逸十六篇絕無師說是融亦不見也服虔杜預注左傳亂其紀綱竝云夏桀時服虔杜預皆不見也鄭學海類編 古文尙書考 三 經義

元亦不見之故注書序舜典云入麓伐木註五子之歌云避亂于洛汭註允征云允征臣名又註禹貢引允征云厥篚元黃昭我周王又註咸有一德云伊陟臣扈曰又註典寶引伊訓云載孚在毫又云征是三股又註旅葵云葵讀曰毫謂會毫之長又古文有仲虺之誥太甲說命等見在而云亡其帛作典寶之等一十三篇見亡而云已逸是不見古文也良由孔註之後其書散逸傳註不行以庸生賈馬之等惟傳孔學經文三十三篇故鄭與三家同以爲古文而鄭承其後所註皆同賈逵馬

融之學題曰古文尚書篇與夏侯等同而經字多異至晉世王肅註書始似竊見孔傳故註亂其紀綱爲夏太康時又晉書皇甫謐傳云姑子外弟梁柳得古文尚書故作帝王世紀往往載孔傳五十八篇之書

愚按據釋文則馬鄭所註並非古文據孔疏則馬鄭所註止得古文之三十三篇大抵釋文以其未見孔傳之全故云並非古文非謂三十三篇亦非古文也又釋文于舜典仍用王肅本而孔疏則用姚方興所上本今蔡傳從孔疏

學海類編

一

古文尚書考

四

經翼

右據陸德明之經典釋文孔穎達之書正義其言雖小異要之則漢儒如劉歆班固馬融鄭康成之徒以至晉杜元凱皆不曾見古文尚書之全又雜以偽秦晉直至東晉此書方出是以朱子亦嘗疑之謂不應伏生記得者皆難讀凡易讀者皆古文然命蔡沈作書傳卒主古文尚書又嘗謂門人輔廣曰書有易曉者恐是當時作底文字或是曾經修飾潤色來其難曉者恐只是當時說話當時人自曉得後人乃以爲難曉耳則是朱子于古文尚書固終信之而不敢疑

也惟書小序則斷以爲非孔子筆只是周秦時低手

人作又云書序不可信伏生時無之而于安國所增二十五篇梅賾姚方興所傳則固與伏生之書並尊不敢以張霸之徒例之也學者無以其晚出而疑之哉至若近世有爲石經大學者有爲子貢詩傳申公詩說者彼徒見古文尚書晚出得傳思僥倖欺世孰知猷猷美玉不可同日而論也張霸作尚書百兩篇欲託于孔子之百篇班固儒林傳既著其僞又爲十六卷二十四篇欲以亂安國之古文固雖載之藝文志謂之古文經後世卒無傳焉僞書果何益哉隴其又識

學海類編

一

古文尚書考

五

經翼

古文尚書考一卷 編修程晉芳家藏本

國朝陸隴其撰隴其字稼書平湖人康熙庚戌進士

官嘉定靈壽二縣知縣行取御史乾隆元年從祀

孔子廟庭

賜諡清獻是書原載隴其三魚堂集中曹溶學海類編
始摘錄別行大旨惟據朱子告輔廣之言以申古
文尚書非偽然朱子語錄曰書序恐不是孔安國
所作只是魏晉時文字又曰孔氏書傳某疑決非
安國所註恐是魏晉間人託安國爲名與毛公詩
傳大段不同又曰傳之子孫以貽後代漢時無這
般文章嘗疑安國書是假書漢儒訓釋文字有疑
則闕此却盡釋之豈有千百年前人說底話收拾
於灰燼屋壁之中與口傳之餘更無一字訛錯況
孔書至東晉方出前此諸儒皆不曾見可疑之甚
然則朱子辨古文非真不一而足未可據輔廣所
記一條遂謂他弟子所記皆非朱子語也

尚書口義六卷

〔清〕劉懷志撰

上海圖書館藏清乾隆八年大梁書院刻本

附《四庫全書總目·尚書口義

六卷》提要

序

六經莫古於書易雖伏羲畫卦然有卦未有辭辭始於文王而尚書獨載堯以來其文為最古不待周誥殷盤聳牙詰屈即二典三謨已非文從字順故讀之者每苦其難乙未春闈城受知

尚書口義序

一

於大總憲武強劉益侯夫子官京師時常侍几席因得見太夫子貞儒先生所纂尚書口義句解字釋中貫之以文理使讀者一目了然固讀尚書者之寶筏也然第名之曰口義者若曰是不過為鄉塾童子易於上

口也云爾夫子命城以校讐之役既卒業迺作而言曰是豈直為初學計哉大凡讀書者一字不明則一句之義晦一句不明則一篇之義晦於此而曰我略其皮毛挾其精髓猶航斷港絕潢而望至於海也此不求甚解

尚書口義序

二

之說誤之也先生此書能以時文之筆條達經義舉管人所患詰屈聱牙者一歸於文從字順讀之而字不能為句累句不能為篇累無論帝治王謨瞭然心目即危微精一之理亦不煩言而解固大有功於辟經其嘉惠

後學豈淺鮮哉是宜易以嘉名俾後之學者知鄭傳孔疏蔡註而外不可無此精切之詮釋夫子曰是先人之命弗敢易也將付剞劂而夫子捐館城亦宦遊吳楚中間屏歸田里者數載通門世好滇南冀北相隔萬里未

尚書口義序

三

暇詢此書曾付梨棗否也乾隆五年城任豫藩八年先生文孫恆叔太史來為大梁書院山長攜有是書底橐城曰是固嚮所奉為讀尚書之寶筏者不可不亟為鐫板行世以導後學之迷津爰敘校讐始末因以見我夫

予立朝德業伯仲禹皋伊呂者
其源蓋有自云乾隆八年歲次
癸亥夏五門下後學通海趙城
序



尚書口義序

四

歲癸亥 南村夫子主大梁書院進仲等
於庭而諭之曰今

國家設立書院培養人材首重經學諸生肄
業於茲當以窮經爲第一義仲等敬聆師
訓亦既各有正業矣顧尚書一經詰屈聲
牙不比他經易曉雖有部頒

御纂之書未識從入之途夫子乃授以先世

貞儒先生尚書口義仲等讀之文從字順

尚書口義跋

渙然氷釋蓋由淺入深其階梯也因謀聚
伙刊刻以便誦讀請於夫子夫子弗許值
方伯通海趙公 亘與夫子提調書院事
憫仲等向學之誠輒付梨棗自是仲等人
寶一冊不費傳抄亘與夫子賜也維時仲
等悉與校讐事既竣因誌其始末蓋吾夫
子以經學教及門不殊聖人博文約禮之
意吾黨之士亦庶幾知學有正業日省所

習而不惑於他岐也已癸亥秋七月士仲
謹跋

尚書口義跋

二

尚書口義凡例

一是書名以口義蓋本朱子四書訓蒙口義之意
便初學也

一是書意義悉遵蔡傳其周誥殷盤或有補蔡氏
所未逮者然毫無所牴牾也

一口義順書經文之內字分大小不更書經文於
前亦不更書蔡氏註初學之士便簡易也

一經文中上節與下節有語雖斷而語氣未斷者
口義貫乎貫串故一篇經文接連書寫不分節

尚書口義凡例

一

次亦便初學講貫之意也

一虞夏商周俱遵蔡氏分爲六卷而各卷之篇又
自爲次第則倣廬陵朱氏子由尚書句解之例
非創也

一朱氏尚書句解俱於各篇之前書某篇第幾而
於經文之上又書篇名今亦倣其例

一武成篇遵蔡氏考定不更書古文其衍文如舜
典夔曰於之類亦俱不贅書便誦讀也

一是書俱遵洪武正韻校正點畫不比近日坊本

多魯魚亥豕之謬讀者詳之

孫潔識

尙書口義凡例

二

尙書口義校閱及門姓氏

參校

党士伸
詳符人

孟曙
詳符人

栗焯
詳符人

曹同升
詳符人

張鈞
詳符人

孫務源
詳符人

吳文豹
詳符人

鄭傑
詳符人

韓運昌
詳符人

孫昊
詳符人

王雲
詳符人

宋廷魁
詳符人

李越固
詳符人

楊春隆
詳符人

尙書口義校閱姓氏

一

孫收
詳符人

苗芳蘭
詳符人

趙衡
詳符人

孫靖鰲
詳符人

張枚
詳符人

劉廷選
詳符人

王祝
詳符人

參閱

柳中星
詳符人

王慶雲
詳符人

梁純修
詳符人

張瑾
詳符人

劉誥
詳符人

王五雲
詳符人

張齡度
詳符人

宋丑維
詳符人

張	任鎮傑	屈大伸	張學洙	高玉堂	李俊	王清	毛鑑	張邦彥	李臨光	孫學涵	邵坤若	張筠	馬遵祖	王作哲	張廷葵	王泓源	田方茂
姓	息縣人	庭揚人	祥符人	祥符人	祥符人	中牟人	河陰人	許州人	中牟人	中牟人	西平人	太康人	陽武人	南陽人	太康人	汝州人	北里人
陳觀君	王崇王	張應桂	魏維則	呂懋賞	孫昭	王湛	王桐	孔衍正	梁華齊	吳廷堅	湯坤泰	趙同文	楊新	孔傳詔	王賜	賴汝念	馬尚賓
西平人	景州人	新鄉人	祥符人	杞縣人	祥符人	中牟人	祥符人	榮澤人	西山人	睢州人	睢州人	確山人	陽武人	汝陽人	東陽人	汝陽人	洛陽人

尚書口義校閱姓氏

二

靳文遠	劉慎	李和恒	禹文煦	胡見龍	汪度涵	高嵩	傅拭	孫昕	呂清標	許敬修	高紹祖	劉克峻	陶履常	劉天位	張嘉詮	單松齡	冉作
河內人	陳留人	息縣人	杞縣人	杞縣人	杞縣人	杞縣人	杞縣人	杞縣人	杞縣人	杞縣人	杞縣人	杞縣人	杞縣人	杞縣人	杞縣人	杞縣人	杞縣人
李鳳舉	靳文彥	趙元文	馬麟圖	王鏡	李富元	程錦章	杜林輝	張昆	孔傳會	沈榮	王潔	李鉦	焦如竹	關慶遠	張燧	張家彥	李青莪
沙縣人	河內人	確山人	確山人	確山人	確山人	確山人	確山人	確山人	確山人	確山人	確山人	確山人	確山人	確山人	確山人	確山人	確山人

尚書口義校閱姓氏

三

吳敏恭	敬修 州人	皮兆平	恕齋 太康人
謝鵬飛	孟縣人	薛俊	超菴 原武人
王三曜	重明 河內人	傅清連	浚池 蘭陽人
李鶴舉	涉縣人	劉國昌	光遠 柘城人
魏開運	景和 祥符人	王殷輅	次樸 中牟人
較事本	紹會 中牟人	江砥柱	中立 祥符人
張元肅	仲宰 通許人	郭助飛	羽豐 陳留人
潘克念	作聖 祥符人	孔繼鴻	漸遠 太康人
曹珊	確山人	張念淳	凝斯 祥符人
尚書口義校閱姓氏 四			
王作賢	廷勤 祥符人	王世塏	奕遠 祥符人
宋栢	兆齡 祥符人	徐杞	南屏 祥符人
杜如葵	漢峯 祥符人	何沛霖	祥符人
袁培堂	圭堂 祥符人	徒禹浩	潤九 祥符人
王游	靜齋 祥符人	孟承楷	睢州人
彭維均	和菴 祥符人	王霞	赤城 祥符人
郭士瑾	珍菴 武陟人	李杏林	春光 祥符人
劉文謨	憲章 武陟人	李元慈	孝先 祥符人
朱承法	伯憲 祥符人	李公檢	嚴修 通許人

杜蒲璧	扶溝人	郭克明	峻德 海川人
盧養志	祥符人	郝萬行	維一 南川人
何國俊	長輔 祥符人	彭玉璋	通許人
趙步錦	冠思 祥符人	楊汝翼	雲衛 祥符人
馬遇樂	冠冀 商水人	苗安國	宗璧 新鄉人
董世醇	子厚 商水人	傅崧榮	鍾奇 陽人
崔激	靜淵 中牟人	劉增	多三 中牟人
王克振	安聲 考城人	王振鐸	孟洵 河陰人
王雲錦	映衡 考城人	岳陽樓	臨庭 考城人
尚書口義校閱姓氏 五			
李杜	希甫 封邱人	趙璐	玉珍 獲嘉人
熊三全	完切 祥符人	孫翀	海門 新鄉人
韓瑞麟	景祥 祥符人	李劭	中強 陽武人
陳德聚	星輝 祥符人	李文元	冠多 陽武人
孔繼福	介景 祥符人	禹隆運	錫範 沁水人
盧金聲	祥符人	張志彤	百盧 祥符人
劉份	卓爾 內黃人	胡其勳	偉功 祥符人
傅鳳神	翔九 祥符人	薛夢龍	乘六 鹿邑人
康杰	起羣 祥符人	張鰲	扶九 祥符人

張士學 效聖通許人

田洛 景川祥符人

李官 雲紀柘城人

李璉 光宗祥符人

張鏐 西眉柘城人

侯智 祥符人

趙鰲 方白杞縣人

潘文明 見龍祥符人

王曰信 誠齋通許人

劉璣 玉衡祥符人

賁際隆 翊聖祥符人

馬清 應朝儀封人

周泰 南川人

傅凝煦 蘭陽人

王殿英 華齋尉氏人

右大梁書院及門士也歲癸亥 潔以當事聘

尚書口義校閱姓氏 六

謬居講席與諸生約首重經學諸生唯唯受教顧諸生業尚書者率守時下講章 潔既病其支蔓授以部頒之書諸生又苦浩繁因思由淺入深而後可以由博返約迺出口義以示 潔蓋家多業尚書是先大父司空公所手著而先君子總憲公置家塾中以訓子弟者也諸生受而讀之頗喜其文從字順不煩言而義明而党生士仲孟生瞻輒倡先抄寫諸子亦皆更互傳誦手不停披是時提調

書院事者方伯通海趙公亘輿先生也先生

受業於先總憲公之門誘進後學孜孜不

倦隨以此書付之剞劂而屬祥符縣學博呂

子力園董其事維時党孟諸生亦分任校讐

力園則詳加考訂而亘輿先生是正凡三閱

月而刻成嗚呼先大父與先君子手澤

猶存析薪負荷之任 潔懼弗能勝也是舉也

亘輿先生發潛闡幽不惟諸生業是經者識

從入之途而先世之傳亦庶幾不墜厥緒云

尚書口義校閱姓氏 七

乾隆癸亥夏五文林郎原任翰林院編修大

梁書院山長不肖孫 潔謹識

尚書口義篇目

第一卷

虞書

堯典第一

舜典第二

大禹謨第三

皋陶謨第四

益稷第五

第二卷

尚書口義篇目

夏書

禹貢第一

甘誓第二

五子之歌第三

胤征第四

第三卷

商書

湯誓第一

仲虺之誥第二

湯誥第三

伊訓第四

太甲上第五

太甲中第六

太甲下第七

咸有一德第八

盤庚上第九

盤庚中第十

盤庚下第十一

尚書口義篇目

說命上第十二

說命中第十三

說命下第十四

高宗彤日第十五

西伯戡黎第十六

微子第十七

第四卷

周書

泰誓上第一